

**DE GLORIOSISSIMA  
CHRISTI DOMINI  
RESURRECTIONE  
ORATIO HABITA 6.  
KAL. MAJAS 1737. IN...**

---

Gaspare De Torres, Valenti Gonzaga

THE UNIVERSITY OF CHICAGO  
LIBRARY  
540 EAST 57TH STREET  
CHICAGO, ILL. 60637  
TEL. 733-4131  
CIRCULARS  
AND OTHER INFORMATION  
FROM THE UNIVERSITY OF CHICAGO  
LIBRARY  
TO THE LIBRARY OF THE UNIVERSITY OF CHICAGO

THE UNIVERSITY OF CHICAGO  
LIBRARY  
540 EAST 57TH STREET  
CHICAGO, ILL. 60637



UNIVERSITY OF CHICAGO LIBRARY  
540 EAST 57TH STREET  
CHICAGO, ILL. 60637

# BEATISSIME PATER,



**Q**UOD Orationem  
hanc meam de rediitvo Domino  
in Pontificio Sacello coram Am-  
plissimis Cardinalibus habitam  
singulari humanitate exceperis ;  
quodque mihi aditum ad oscula  
Pedum SANCTITATIS TUE  
benignè dederis , quas gratias  
Tibi agam , quas laudes refe-  
ram ? Mirantur quidem om-  
nes , & ad Cælum laudibus

*effecerunt Urbem Tua beneficentia , ac liberalitate in veterem splendorem restitutam : ego sane plus admiror paternum tuum erga omnes Studium , & incredibilem erga omnes humanitatem : Sunt in ore omnium publici Fontes per Te eleganter , ac magnificenter ornati ; nova Pontificiæ ditionis administris domicilia a fundamentis excitata ; tum sacræ ædes insigni munificentia instauratæ ; præ cæteris augusta Lateranensis Basilicæ Facies magno sumptu , incredibili opere , & magnificentia prope regia ad Cælum erecta ; ut nihil loquar alia plurima in variis Italiæ partibus præclara liberalitatis Tuæ monimenta ad sempiternam nominis Tui*

*memo-*

*memoriam constituta : Quid vero  
hæc , & si ingentia , ac magnifi-  
centissima nemo , nisi qui omni sen-  
su careat , esse non videat , si cum  
cæteris tuis virtutibus comparen-  
tur , quibus Te ipsum quodamodo  
vicisse videris ; cum excelsa , in-  
quam , illa animi magnitudine ,  
quam , ut in gravissima senectute ,  
imperii tamen ecclesiastici molem  
ita sustines , ita unus omnia pro-  
videntissime tueris , quantum alii  
integra ætate per se vix agere pos-  
sint. Nullus enim dies a publicis  
negociis Te feriatum habet ; nul-  
lum tibi tempus vacuum ; nul-  
lum ita tuum , quod Catholicæ  
Ecclesiæ bono , aut populorum uti-  
litati liberaliter non impertias :  
& quod mirandum magis est , si*

*in ista ætate contigit Te morbi  
causa decumbere, nemini Tui  
adeundi facultatem negas, sed  
omnes eadem, qua semper, facili-  
tate excipis, omnes perhumaniter  
audis: & veluti humana imbecil-  
tate superior a negociis, curisque  
publicis minime cessas. Hæc sane  
me commovent magis, quam quæ  
vulgi oculos externa in admira-  
tionem rapiunt: Hæc plane fa-  
ciunt, ut Te nobis divinitus obla-  
tum esse sentiamus, utque Chri-  
stianæ Reipublicæ felicitati Te  
diu sospitem, diuque incolumem  
a DEO Opt: Max: votis omni-  
bus exoptemus.*

# ORATIO.



Cū de redivivo Domino verba facere instituerem, illud mihi evenit, quod Apostolis in vertice Thabor contigisse, sacra Litterarum monumenta testantur. Cœlestis nimirum splendor undequaque circumfusus, ita illos percussit, ut vocem quidem è lucida nube demissam perciperent, levantes autem, *Matth. 17. 5.* oculos suos neminem intuerentur: ita profectò Parens noster ad immortalem vitam excitatus tam copioso lumine aciem perstringit, ut mens quoque obruta clarissima luce obstupescat. Quid ergo? Nullane ratione hujusce triumphi pompam assequemur? non ita sanè; sed animus parumper ab immensa illa claritate deflectat necesse est, ut scilicet divini Reparatoris atrocissimum interitum maturè perpendens ex hoc, veluti è proposita mensura, valeat, quantam ille resurgendo gloriam consequutus sit, tutè deprehendere.

Cūm

Cùm Dei perfecta sint opera, perfectissimum sanè illud fuit, quod in Cruce Christus exhibuit, ut abjectum, perditumque humanum genus in pristinam incolumitatem restitueret : Hinc ille cùm acetum moriturus degustasset omnia consummata esse exclamavit, videlicet de mensura passionum nihil deesse. Et sane nonne infinitus amor enituit, quo naturæ nostræ infirmitatem, & ægritudines, ut illas suo curaret interitu, perferre non dubitavit? Nonne summa, & indefinita virtus inter acerbissimos cruciatus, cùm a vertice capitis usque ad plantam pedis nulla in eo sanitas reperiretur? Nonne singularis, liberalisque munificentia, qua ad extremam inopiam sponte redactus est, ut tenuitatem nostram opibus minimè caducis cummuleret; cruentamque mortem appetiit, ut quæ in nobis de Parentum crimine labe infederat, penitusque inveteraverat, suo sanguine detergeret? Hæc, dum ego repeto, licèt acerba, & luctuosa sint, tamen mihi lætandum esse video, & voluptate quadam gestiendum. Nam cùm humilitas claritatis sit meritum, claritas humilitatis præmium, sicut immensum meritorum

pon-



pondus agnovimus , ita parem hodierno  
 die gloriæ mercedem , quæ nulla cogitatio-  
 ne comprehendi possit , Christo Domino  
 contigisse planè intelligimus . Sed rationi-  
 bus agenda causa non est , ubi divino te-  
 stimonio veritas comprobatur . Recordamini Parentem optimum , cùm suos ad fi-  
 dem , & constantiam hortaretur discipu-  
 los , sæpius dixisse , tum divinitatis suæ  
 gloriam corporis humilitate contactam pa-  
 lam esse ostendendam , cùm Filius homi- *Joan. 8.*  
 nis in crucem efferretur . Quid , ait Augu- *28.*  
 stinus , nondum erat glorificatus , cùm *s. August.*  
 mortuos suscitaret , & nunc est glorifica- *trakt. 63.*  
 tus , cùm mortuis propinquaret ; nondum  
 erat glorificatus faciens divina , & nunc est  
 glorificatus passurus humana ? Ita profe- *In Joan.*  
 cto : cùm proditor Judas ad Sacerdotum *cap. 7.*  
 Principes abiisset , ut amantiſſimum Præ-  
 ceptorem furori , atque invidiæ quasi vi-  
 ctimam nefariè devoveret , tum denique  
 perfectis votis ille affirmavit : nunc clarifi- *Joan. 13.*  
 catus est Filius hominis . Tum quippe ve- *31.*  
 nerat hora , quam dudum exoptaverat , ut  
 per inauditum mortis genus , quadam velu-  
 ti nobis proposita regula , claritatem , quam *Joan. 17.*  
 semper habuerat apud Patrem , apud ho- *5.*  
 mines

mines potissimum sibi vindicaret. Nolite igitur arbitrari omnem hodierni triumphi gloriam in eo positam, satisque declaratam esse, quod splendor de Cœlo affulset.

*Matth. 27.*

52.

rit, quod monumenta aperta sint, & in hanc lucem plurimorum corpora revocata, ut triumphantem Dominum sequerentur; quod denique non eadem conditione

*S. Aug. in*

*Psal. 126.*

ad vitam redierit, uti Lazarus, Viduæ Filius, Archisynagogi libera, qui omnes

*Ad Rom. 6.*

9.

rursus morituri vitam acceperunt, sed ita resurrexit a mortuis, ut nullam amplius rationem, ac potestatem in ipsum mors sit habitura: Hæc proculdubio magna, atque præclara sunt indicia triumphi, & vestigia quædam, quibus tacitè admonemur aliquid illustrius, atque divinius esse animo constituendum. Equidem non alia ratione gloriæ magnitudo conjici, deprehendique potest, quàm si mortis atrocitas, ac divina Servatoris virtus, ex qua velut ex sua causa illa dimanavit, attento prius animo ponderetur: tum sane immensam gloriam, & quæ nullis verbis explicari possit apertè fatebimur, cum immensis meritis debitam, statutamque dignoscamus.

Illud